

ճիւղիցն, և այլ առաջ ժԸ ևս սիւնս փայտեայ, որ զբազում տեղիս տարածանէր ճիւղքն, և ի ներքոյ նորա էր տեղիք ձիւնթացի և զահվէխանայք և մզկիթ և տեղիք խաղալեաց, և առաւօտուն ևս շրջեալ յեկեղեցին Յունաց և ի պարտէզս ընդ հովանեաւ նաւրընձի և լիմոնի ծառոցն՝ ուրախանայաք. և ի հասարակել աւուրն Գշի (14 Օգոստ.) մտաք ի նաւ և Դշի (15 Օգոստ.) առաւօտու հասանէաք ի մեծն Ռոդոս և անդ կացեալ հայեցաք ուղեկցի¹⁾ և Զշի (17 Օգոստ.) առաւօտու ելեալ անդէն՝ մտաք ի մեծ ծով, որ չերեէր ցամաք, մինչ ի Շարաթ երեկոյիս (18 Օգոստ.) հասաք ի Միս կղզին ի գիւղ նաւապետին, կացեալ անդ Կիր. (19 Օգոստ.) և Բշի (20 Օգոստ.) Գ գիշեր: Եւ Գշի (21 Օգոստ.) առաւօտու ապա ելեալ անտի մտաք ի մեծ ծովն ի գիշեր և ի ցերեկ և Դշի (22 Օգոստ.) երեւեալ մեզ ֆռանկ մի նաւի զհետ մեր մտեալ գայր ստէպ ստէպ, և նաւավարքն²⁾ յահի լեալ ընդ մեր՝ բանային զամեւնայն առաքաստն և մեղմէր յոյժ քամին, և արկին զմեծամեծ թի նաւին ի ծով և քարչէին ընդ ճանապարհորդովք և բազում լինէր երկիւղ: Այց արարեալ Աստուած՝ հեռացաք ի նոցանէ Դշի երեկոյին երկրորդ ժամու գիշերոյ, որ Օգոստոս ԻԲ, հասաք ի նաւահանգիստս մեր Յոպպէ, որ Ռամլայ³⁾ ասի, գոհանալով զմարդասիրէն Աստուծոյ: Եւ առաւօտուն (23 Օգոստ.) հանեալ զկարասիս մեր ի նաւէն՝ հանգեաք յեզր ծովուն, անդ կատարելով զտօն մարդարէին Երեմիայի, նոյնպէս և Կիւրակէի (26 Օգոստ.): Եւ Բշի (27 Օգոստ.) ելաք յՌամլոյ և Դշի (28 Օգոստ.) Թ-րդ ժամու հասանէաք ի փափաքելին ամենեցուն և յղձալին⁴⁾ մեր ի սուրբ քաղաքն Երուսաղէմ: Եւ իբրեւ մերձ էաք, գային առաջի մեր կրաւնաւորք և արեղայք, քաղա-

1) ուղղեկցի. 2) նավավարին. 3) Յռամլայ. 4) յղձալին.